


高宗詩文十全集

七



高宗詩文十全集

(七)

清 高 宗 撰
彭 元 瑞 編

御製詩文十全集卷三十二

再定金川第五之十一

文二首

平定金川五十功臣像贊有序丙申。

金川旣平定。圖功臣像於紫光閣。序而贊之。一依伊犁回部之例。其故其義。前序言之詳矣。茲復何言。而不能無言者。誠以諸臣宣力攄猷。或定策於樽俎之間。或衝堅于石矢之隊。且捐軀盡節者。指不勝屈。寧忍令泯沒無聞。而弗壽厥儀表。彰厥名聲者哉。夫用兵。蓋難言之矣。無應機之謀。乏識人之鑒。而徒俾推轂。是藉寇兵而齎盜糧也。溫福之僨事。朕深引以爲愧。而阿桂終能集事。朕又略因解嘲。至於午夜廢寢。當食忘餐。吁。亦勞矣。夫無此勞。而徒曰有兵有將。汝其爲我征伐。則真窮兵黷武。而付其天下之成敗於不問者。朕弗爲也。觀此序者。或諒朕非窮兵黷武之爲。幸何如之。冀何如之。而朕之子孫。當凜佳兵之誠。苟不得已而用之。必深體此序之意。弗以冒昧行焉。則我大清億萬年無疆之休。基于是矣。前圖逮今。甫十六載。事故過去者。卽十分之九。爲之愴然。而後生疊奮。繼前人之光。爲國家之用。林林源源以出。因又爲之慶矣。其兩被圖形。如阿桂之倫。豈非德業之光輝。人

臣之厚幸而較衛霍英鄂之流更爲榮遇超越乎。

定西將軍一等誠謀英勇公協辦大學士吏部尚書阿桂

西師參贊經歷多年茲爲巨擘掄掌兵權

西師之役阿桂爲參贊大臣著有勞績因其嫻習軍務特授爲定西將軍統兵剿兩金川阿桂承命以來籌畫盡心不憚艱險用能掃蕩賊

巢俘擒逆黨大勳克集實爲首功錫爵圖形優加章服懋昭酬庸之典

誠而有謀英弗恃勇集衆出奇成勳克羣

定邊右副將軍一等果毅繼勇公加一等子戶部尚書豐昇額

宜喜弗動

癸巳夏因促浸賊入句通繼拉降番潛出滋擾時豐昇額駐兵宜喜諭令就近赴大板昭堵剿豐昇額得旨時已知有木果木之事又未得阿桂軍營信息恐將綽斯甲布一路兵力分單徙去無益竟未移兵前往奏至

嘉其有識特降旨獎勵之

定見識機後副西路親勵戎衣遜克爾宗督兵進取國之蠹臣勇繼乃祖且在我軍之後豐昇

額督兵進攻或斫塞而入或梯牆而進遂爾得礮殲賊嘉其勇敢無愧乃祖巴圖魯公額亦都之風因於所襲公爵加繼勇二字以旌之

定邊右副將軍一等襄勇伯成都將軍明亮

獨統一路頗有斬獲姻戚少年世承恩澤

明亮爲孝賢皇后親姪察其少年誠篤俾習軍旅命爲副將軍在南路統兵隨即攻取馬尼繼復移兵襲取宜喜山梁遂于北路進剿尋克日

旁沙爾尼一帶亦屢著功績

建績抒忱是用褒嘉俾司將印永靖笮巴

兩金川既平於其地設鎮安營駐守因授明亮爲成都將軍以控馭之

大學士舒赫德

十爾扈特安集邊城

辛卯夏土爾扈特汗渥巴錫等率全部歸順特調舒赫德爲伊犁將軍經理其事安命入綸閣措極爲妥協旋授爲大學士甲午秋命統兵剿捕山東逆匪王倫甫六日而蕝事

速定臨清金川之役未悉端委書旨承行時亦贊理

大學士一等輕車都尉于敏中

內地土司事須漢字。國家用兵一切機宜。率以清字書旨。茲金川乃內地土司。軍書往來。多用漢字。五年以來。于敏中始終其事。稟受機宜。承旨書諭。頗著勤勞。既加恩賞。以世職。並賜雙眼孔雀翎。圖形紫光閣。尤儒臣從來未有之榮遇。自始至終。勤勞弗替。相機擬諭。厥功茂焉。賜翎寫象。儒臣執肩。

兵部尚書一等忠勇公和碩額駙福康安

父定復叛。子嘗愧之。戊辰金川之役。大學士傅恆前往經略。時以莎羅奔。朗卡畏罪投誠。遂奏聞受降。未十年。朗卡即滋擾鄰封。其子索諾木。益偕恩反噬。實深悔前此之姑息。非一舉而殄滅之。不能永除後患。福隆安因此屢懇赴軍營自効。皆未允所請。留之禁近。俾習軍務。是用稽首躬請出師。留於左右。俾習規畫。頗有嘉謀。協予廣益。

原參贊大臣固倫額駙贈和碩親王色布騰巴爾珠爾

伊犁宣力。屢立戰功。金川參贊。仍勵勇忠。抱病軍營。弗令奏聞。惜竟不起。未觀成勳。

參贊大臣一等超勇侯都統海蘭察

射巴雅爾。超授侍衛。洊至都統。參畫軍計。堅礪險砦。無不先登。勇而有謀。封侯實應。

參贊大臣一等嫺勇男護軍統領副都統額森特

虎鎗隨圍。覺與衆殊。命往勦賊。攘臂以愉。閱歷既多。遂參謀議。獨當一面。亦復集事。

參贊大臣護軍統領舒常

八旗子弟。總屬世臣。菁莪造就。命以從軍。勇弗褻旂。智堪入幕。北路贊機。時資其略。

領隊大臣一等承恩武勇公加一等男都統奎林

兄終王事至今爲恨

奎林乃毅勇公明瑞親弟。皆孝賢皇后親姪。明瑞爲將軍。督兵征剿緬匪陣亡。朕每以爲恨。不忍更命從軍。乃奎林力請不已。因許之。奮勇屢著功績。

屢請効力披堅

研定心源落落膽氣堂堂世家英器是予所臧

領隊大臣三等果勇侯都統和隆武

襲父卹職

和隆之武父將軍和起。征剿準噶爾時。在闡展爲莽噶里克等所害。議卹予以世襲子爵。和隆武襲之。此次征剿金川。不意其勇敢超衆若此。因晉封侯爵。

少年老成囊錐脫穎竟善

用兵略曰旁寨獨擅偉勳楚材繼出旣憐以欣

領隊大臣內大臣都統戶部侍郎三等嘉勇男福康安

代兄以往繼父而奮

福康安、福隆安之弟也。

矜許廬勵王臣之藎登礪奪砦那須蒙甲嘉勇錫名世傳勳業

領隊大臣副都統三等奮勇男普爾普

父是日磳子非弄兒

普爾普之父巴圖濟爾噶爾。以都爾伯特部宰桑來降。隨征回部。於和闡立功。仕至都統。普爾普臨陣奮勇。頗能繼其父志。因特賜男爵。

命往勦賊盡力無遺金

戈鐵衣冰山雪窖能入能出敵不敢校

隊領大臣荊州將軍輔國公興兆

憶國當初創業開基宗室王公宣力率師承平襲慶安享榮華董公建勳斯爲可嘉

原參贊大臣西安提督哈國興

中土回人性多拳勇。哈其大族。每出將種。向略趨拉。屢舉險要。中道病殂。成功未告。

領隊大臣西安提督馬彪

西師効勇。早著旂常。命勦逆番。盡力以殲。堵橋渡河。奪卡據水。用濟我軍。井井有理。

原領隊大臣江南提督馬全

挾翼雖英。御須造父。設非其人。良材徒苦。陷木果木。將軍債轅。溫福賴兵昔嶺。株守不進。以所統二萬衆散布各圖。甲噶爾思甲布等。約促浸許爲內應。賊衆各由閒道潛出。擾溫福後路。漸逼木果木軍營。綠旗懦卒。聞風驚潰。溫福率十餘人突出。遇賊被害。馬全在後抵禦。遂歿於陣。英材爲庸師所誤。雖加恩贈卹。至今惜之。殿後捐軀。愧惜難言。

領隊大臣廣西提督書麟

本非習戰。遇戰卽奮。恐孤父名。書麟乃大學士高晉之子。偉哉後進。功成事定。提督鬱林。攻則壯志。守則小心。

領隊大臣副都統綽克托巴圖魯三保

本射生手。獸無跳走。以之射賊。探囊物取。冒險屢進。志篤且純。受創獨重。祿養終身。三保在軍營。每戰。勇往不避矢石。因攻甲囊。賊

寨。右臂受鳥鎗。傷甚劇。久治不瘳。憐其臂已殘廢。免令入直當差。仍留副都統之任。俾得祿以贍。

領隊大臣副都統法福里巴圖魯烏什哈達

有足如鐻。有手如翼。削壁尖峯。行無難色。領隊奮勇。屢克碉堅。羌兒畏之。若雀遇鷗。

領隊大臣副都統多布坦巴圖魯瑚尼爾圖

木思工噶躍入賊碉督衆蹂躪勇不目逃巴占牽敵俾無遮攔番人望之弗戰辟易

領隊大臣副都統扎克博巴圖魯珠爾格德

奎林深入賊刃將及發矢斃之險中救急同心合力共集大勳寫圖旌壯惇史流芬

領隊大臣副都統咱爾親巴圖魯阿爾都

喀咱奎林及和隆武絕地被遮餘勇猶賈曰阿爾都據險牽賊二人乃出其功尤特

領隊大臣副都統阿爾杭阿巴圖魯阿爾薩朗

跬步皆山面前萬仞無著是處攀騰奮迅遂破扎古扎古即扎烏古既翹且英人中獅子實稱其名阿爾薩郎

國語謂獅子也

領隊大臣副都統穆騰額巴圖魯舒亮

率健銳營訓練有素節制之師五步六步礮礮叢中鼓勇身先勞而不伐是用稱賢

原領隊大臣副都統銜納親巴圖魯科瑪

堂堂之陣亦藉出奇潛行僻路附葛蹕幟直越峯頂火攻石碉破二百寨色格功高科瑪子沙壩山率兵潛行攀陟山頂爲賊所阻即

分兵搶佔色格落喀爾都等處拋入火彈燒賊寨二百餘間

領隊大臣副都統銜扎濟克巴圖魯伊蘭保

有賊必戰。有戰必先。率我勁旅。攻其中堅。志不顧身。勇能知義。噶占進棧。丹格建幟。

原領隊大臣副都統銜扎爾丹巴圖魯佛倫泰

功成一將。那保無虞。爭前恥後。舊風未渝。當噶之戰。直進身殞。使我心惻。優卹惟允。

領隊大臣副都統三等信勇公富興

信勇世家。志不愧祖。

富興爲信勇公費英東之曾孫。以有足疾。不能登陟攻戰。而駐守要隘。則甚得力。

徒以竄瘞。艱于步武。蠶叢鳥道。登進則遲。據險

守要。千軍不移。

領隊大臣副都統德赫布

賊之所恃。據礮堅守。我之所利。拏柵進取。知彼知己。正以出奇。邀隙攢射。善手是資。

原領隊大臣副都統莽喀察

索倫善射。其中爭最。西師建勳。紫閣形繪。逞其猿臂。搜彼蟻封。不虞創重。歎惜何窮。

領隊大臣直隸天津鎮總兵噶布什海巴圖魯海祿

資哩美諾。皆樹奇績。奪昆色爾。攀枝援壁。固資衆力。率先必親。事定酬庸。命鎮天津。

領隊大臣貴州鎮遠鎮總兵僧格巴圖魯敖成

甘涼宿將屢立戰功。以其驍習。俾伐蠻賓。于巴布里。攻其恃固。乘雪伐之。有如李愬。

領隊大臣山西大同鎮總兵巴爾丹巴圖魯官達色

連環火攻國之雄器。率領得人。無往不利。及至近礪。斫門穴孔。大呼直入。嘉乃獨勇。

領隊大臣四川北鎮總兵賽尙阿巴圖魯成德

沈舟側畔。鼓棹爲難。受創復進。其心審丹。似若而人。不勝指屈。養育八旗。報非虛飾。叶

領隊大臣陝西固原鎮總兵法福里巴圖魯圖欽保

承平日久。敢恃內安。永憶文子。厥有名言。嘉我諸臣。遇兵則奮。竭力敵愾。世承家訓。

原甘肅肅州鎮總兵札親巴圖魯曹順

始由偏裨。洊至總戎。騎牆殺賊。受傷捐躬。賞延于世。爲之惜悼。季世朱門。歌舞以笑。

領隊大臣陝西興漢鎮總兵三等義烈公保甯

父歿王事。保甯之父納木札爾。以靖逆將軍征剿回部。於黑水陣亡。卹贈義烈公。保寧襲爵。因其力請出師。遂允之。在軍營屢著功績。

襲爵爲公。不忘忠讜。力請從戎。雖屬

少年。乃如宿將。持重戒輕。心精膽壯。

領隊大臣山西大源鎮總兵特成額

誰謂世家而多執綽。後生可畏。不忘祖父。叶。特成額爲原果毅公策楞之子。其高祖卽巴圖魯公額亦都也。

是予所嘉。是予所憐。願予世臣。

綿此萬年。

原領隊大臣陝西延綏鎮總兵烏爾納

平生若懦戰則倍勇雖屢受傷進不旋踵功成事定賊寨火延沒于弗值實可嗟焉

將軍等既平促浸賊巢掃蕩數日後噶喇依

寨內忽火起延及火藥局烏爾納督兵往救不意藥轟石飛傷腦而歿爲之悼惜因敕部照陣亡例議卹

原署福建甯鎮總兵敦柱

披堅破銳突將無前衆志成城而各力宜威震叩笮拉朽摧枯宜喜已克惜哉捐軀

頭等侍衛札卓穆巴巴圖魯額爾特

七校護衛無殊衆人及至臨敵其膽包身地道深入木城超躍遂克勒圍厥功允卓

頭等侍衛揚達克巴圖魯托爾托保

每戰俱前三遇三克勝彼忠嗣王耀武漢北漠北可馬此步而攀冰巘萬仞所以爲難

二等侍衛拉布凱巴圖魯泰斐英阿

一木曷支衆擎易舉嘉我諸臣心同力努人自爲戰各有所成攻康薩爾直進賊營

二等侍衛崇錢巴圖魯柏凌

于戰可觀人之立志或挺而前或退而避受傷雖多其節弗渝如柏凌冬壯矣丈夫

原二等侍衛額依巴爾巴圖魯達蘭泰

或仰而攻。或俯而壓。仰以鷹抄。俯如馬踢。么磨迹遁。鬼蜮魂銷。追奔逐北。處處功高。

原二等侍衛善巴巴圖魯薩爾吉岱

賊之長技。在于善守。反而用之。拏柵進取。滴博蓬婆。威名遠服。惜哉陣亡。於阿穰曲。

索倫佐領舒丹巴圖魯特爾惇澈

賊之所懼。勁弓長箭。飛蜂螭集。對則色變。索倫捷手。射番最多。每據要害。其功弗磨。

貴州副將奢特陳巴圖魯興奎

黷武豈願。詰戎敢忘。因弗得已。曉夜傍徨。良材總總。爲國宣猷。寫圖表績。永示千秋。

平定兩金川方略序庚子

前平定金川。實祇受促浸一處之歸降。後平定兩金川。則併促浸。儀拉。兩處削平之而屯戍其地。不讀前方略。不知予之撫順宥過之寬惠。不讀後方略。不知予之保大經久之苦心。兩金川之偕恩奢望。屢赦屢叛。與夫不得已用兵之原委。亦既見之後。告成太學之碑文矣。茲方略成而司事者以序請。從其請。是贅言。不從其請。是闕體。以書之。有弁詢藏體例也。夫示之義方之謂方。定之智略之謂略。有方無略失之執。有略無方失之隨。二者相需殷而相得彰。且方有隅之義而象地。略有包之義而象天。乾圓坤方。陰靜陽

動。卽兵法實不出乎此。要之本於敬而弗懈。公而無私。泰而不驕。勤而非躁。然後能賞罰明而進退當。緩急應而機宜合。運之九重之上。示之絕域之遙。忘憂不可。掣肘益不可。是必注精神於董事之諸臣。而念辛苦於衝鋒之策士。嗚呼。定方略豈易言。而成方略更難覩也。今幸覩方略之成。庶乎五年忘餐廢寢之勞。得以少慰。而藉以解後世窮兵黷武之譏。所爲伐逆不伐順。伐險不伐夷者。或庶幾乎。

御製詩文十全集卷三十三

平定臺灣第六之一

詩二十五首

上元後一日小宴廷臣丁未

明廷曲宴侑笙絲。節後焚春言語怡。鄰衆莫非資贊治。古稀猶自未拋詩。微漸西抹東塗者。弗稱去聲花南硯北時。簪筆載咨賡韻侶。應思少頌在多規。

麥培冬臘占三白。潢弄燕閩殲二囚。去歲秋間。直隸大名匪犯段文經。徐克展等。糾衆不法。後徐克展及餘黨俱已就擒。正法。惟首犯段文經尚未弋獲。又冬底福建臺灣。有逆民林爽文等。倡會謀

爲不軌之事。前據調任總督常青。提臣黃仕簡。任承恩等奏報。調發官兵剿捕。并據常青奏稱。臺灣鎮。道等統兵攻剿賊匪。保守郡城。且有義民等率衆協同截殺。賊勢少退。茲又據總兵柴大紀奏報。連日用鎗礮擊殺賊人甚多等語。顯

佑敢因稱後樂。微瑄亦弗懈先憂。武揚速到期聞捷。現在黃仕簡。任承恩。帶兵先後渡臺。又飛調澎湖協水師兵進剿。計此日早已到彼。兵力厚集。自可一鼓殲滅。惟盼捷

音。以慰懸切。德化未臻略抱羞。昨一歲中。兩處逆民擾亂。雖卻顧連茵率少長。上。長予兩月一人留。週思初即位時。在朝諸臣。皆年

長於予。茲五十二年之間。與宴諸臣。皆年少於予。惟大學士嵇璜與予同庚。長予兩月。屢有乞休之請。恩諭慰留。俾耆年領袖班行。爲予老伴。亦盛事耳。

承光殿卽景有感

春祈歲禮右方壇。路便承光磐以桓。截冕入齋因易服。棲遲據案遂傳餐。南瞻正切卽聞捷。上年冬底。福建臺灣彰化縣

大里代等莊逆民林爽文等，結黨倡邪會，謀爲不軌。總督常青駐劄廈門，調遣官兵剿捕。水師提臣黃仕簡、陸路提臣任承恩，各帶官兵，已於正月初四等日，先後抵臺灣節次，據常青奏報，黃仕簡等連日用礮擊殺賊衆數千人，餘黨逃入內山。已傳旨令常青渡臺灣，督率文武員弁，務期搜捕淨盡，不留餘孽。北駕非關欲問安宮，及事載，則迴御園詣暢然黃仕簡等抵臺灣月餘，自己痛加懲戮，而尚未報剿賊捷音，日夜切盼。春園蔡問慈安，是以庚辰承光殿詩，有每還宮禁無非事，亟往園亭切問安之句。迴憶十年無此事，不禁撫景暗淒酸。今有壇禮成迴園，於此易服傳餐，而十年以前之事，已不可復得，能弗愴然。

御園仲春卽事

經筵祭社禮成迴，十日春光爾許來。黃重柳絲受風裊，紅薰桃朶向陽開。隙駒誠迅惜應爾，郵騎何遲望亟哉。黃仕簡等帶兵渡臺灣，已經月餘，而剿賊捷音，尚未奏至。南望郵章，不勝廬切。那有閒情問佳景，孤他詔冶待吟裁。

命免臺灣府本歲正供詩以誌事

無端孽種聚苻荏，劫掠村莊害及官。福建臺灣逆民林爽文等，創立天地會名目，煽誘匪徒，謀爲不軌。劫掠村莊，及知府孫景燧，知縣龔峻等往捕，轉被戕害。當此光天化日之下，聚衆猖獗，不法已極。不可不大加懲創，以靖海疆。不得已而用兵，勦莫非勤以俾民安。因思亂後閭閻困合，令當前賦稅寬。據總督常青，任承恩等先後奏報，連次用礮擊殺逆匪甚衆，並有義民鄉勇數千，隨同剿殺，甚屬可嘉。除俟事定後自當從優分別賞賚，因念臺灣良善百姓，當此逆匪肆擾之際，驚懼逃避，不免受其荼毒，深堪憫惻。因馳降諭旨，令將臺灣一府四屬今歲錢糧，悉免征輸，以示軫念良民至意。德化未臻甯靳澤，一爲南望一心寒。

清明 二月十八日

花朝三日過，景物正清和。未覺芳菲賞，其如盼望多。臺灣逆民林爽文等，不法滋事，經提、鎮等屢次懲戮，而首至待澤，然春雨多多益善，連日濃雲閣雨，亦深頤冀。片雲厭風散，點雨奈晴何。遣悶無他事，五言信筆哦。

迴蹕至圓明園作

夜半濃雲佈，晨凌細雨霏。無何妒風作，遂覺亂塵飛。徒復成虛望，惟慚勅萬幾。待郵兼待澤，臺灣逆匪等。因互相觀望。以致首犯林爽文至今未獲。已飭當青到彼督辦。佇盼馳奏。以慰懸念。又連日雨意頗濃。而每爲風散。盼望成虛。亦爲之不恆。愁度往和歸。

福建巡撫徐嗣曾奏春雨田功情形詩以誌慰

臺灣有事討奸民。臺灣逆匪林爽文等。滋事不法。屢經官兵斬獲。而首惡尚未就擒。前因黃仕簡。任承恩觀望誤事。令當青到彼相機督辦。日來盼望馳報。以慰廑懷。未免發兵近自閩。
軍餉甯辭供內地。田功最要利三春。晴資麥壠卜登圃。雨足稻塍起墾畝。據徐嗣曾奏。閩省去冬雨水調勻。麥報。自正月初四、五、六、及十八、九、二十、暨二十七、八等日。屢得春雨。到處普霑。二麥倍加暢發。園蔬雜種。無不茂盛。現值東作方興。更得及時翻犁播種。閩閩安堵。民情懽慶等語。佇待飛章報擒逆。
閩閩安堵樂熙淳。

三月廿九日遣悶雜言

九十春光減兩日。今春正月。三。月俱小建。侵尋速至三月盡。明當首夏從頭數。韶冶去付東流允。歲除前日雪優霑。
華滋景物殊常婉。孟春猶稚仲春麗。御園花事爭妍緊。我已略塵望雨心。肯以賞花間去聲民隱。季春上中下之澣。日甚一日旱象引。昨看弄田麥苗綠。及時嘉霽豐猶準。十日不雨恐無之。難言大田已播畛。御園內所種之麥田。青翠可愛。若十日內得有透雨。尚可冀豐收。至瀨河水田。秧針已出。則由於引水灌注之力。不得謂大田已播。望雨未殷也。近每生雲隨散風。嗟哉膏澤懼尙遠。況經捷信盼臺灣。庸臣失律增慙憤。臺灣逆匪林爽文等。滋擾已逾三月餘。尚未殲滅淨盡。黃仕簡。任承恩二人。觀望誤事之罪。實無可道。已將伊二人革職治罪。惟望當青速抵臺灣。整頓兵方。旗鼓一新。刻日